

Papsturkunden in Frankreich. Band 5: Touraine, Anjou, Maine und Bretagne., Nr. 101

Adrianus episcopus seruus seruorum Dei. Venerabili fratri M. Andeg(auensi) episcopo salutem et apostolicam benedictionem. Ea, que religiosis locis pietatis intuitu a uenerabilibus fratribus nostris episcopis conceduntur, iuxta sacrorum canonum sanctiones firma eis debent et illibata manere. Peruenit autem ad nos, quod bone memorie V. predecessor tuus ecclesiam de Cathineio et ecclesiam de Amponeio monasterio sancti Florentii pia deuotione concessit et eandem concessionem scripti sui pagina confirmauit. Vt itaque pii operis predecessoris tui particeps efficiaris, fraternitati tue per apostolica scripta mandamus, quatinus easdem ecclesias memoratum monasterium in pace tenere dimittas nec eas ullatenus inquietes uel ab aliquo inquietari permittas. Dat. Lat. II idus febr.